







S. VIII. 33.

Amplissimæ funeris deductioni

V I R I

Reverendi, Amplissimi & Consultissimi,

DN. JODOCI
NEOMARCI,
Ecclesiæ Cathedralis ad D. Ma-
riæ & Illustr. Pædagogij Stetin. Capitularis ac
Provisoris, nec non Regij Archidicasterij
ibidem Protonotarij meritisimi,
desideratissimi:

Q U I

Editus in hanc lucem Dantisci, Anno CHRISTI

1589. die 6. Novembris; eadem orbatu Stetini, d. 2. Julij

A. C. 1641. ætatis suæ 51. mens. 8. hodie, n. 8.

ejusd. mens. in Templo Mariano ibid. more

*Christiano & solenni, terra man-
dabitur:*

Ut omnes & singuli in Illustri Pædagogio Stu-
diofi Juvenes, frequentes, pieq; lugentes & con-
dolentes intersint, hortatur, vacante
Rectoris loco,

M. HEINR. KIELMANNUS, ejusd.
Pædag. ConR. Gr. L. & Poës. Prof.

STETINI, Typis GEORGII GOETSCHII.

Terum hodierno die nobis obversatur
ante oculos exemplum inopinatum fra-
gilitatis & inconstantia, vita sortisq; hu-
mana, in funere Reverendi, Amplissimi
& Consultissimi Viri, Dn. JODOCI
NEOMARCI, Ecclesie Cathedralis Mariana & Il-
lustris Pedagogy Stetin. Capitularis ac Provisoris, nec
non Regij Archidicasterij ibidem Protonotarij digni-
ssimi fidelissimiq;: qui decurso vite mortalis spatio, in
medio honorum & laborum curriculo, excessit e rebus
humanis; summoq; in luctu & dolore acerbissimo super-
stitem uxorem viduam, liberosq; orphanos, & omnem
deniq; familiam honoratissimam post se reliquit. Quo
casu planè inexpectato non diffitemur nostrum etiam
Pedagogium perturbatum vehementer esse: cum in-
telligamus, eum virum nobis ereptum esse, qui & orna-
mento urbi huic & universo Ducatui fuerit, & in fun-
ctionibus tam arduis & laboriosis cuius fidem & indu-
striam suam probaverit hactenus; & qui deinceps et-
iam, si per fata licuisset, suprema Curie Aulica, Tem-
ploq; & Pedagogy nostro operâ salutari fructuose &
utiliter inservire potuisset. Verum quia sic visum Deo
fuit, ut ex mundanis hisce arumnis animam sibi pla-
centem maturè eriperet, & in arcem vite & latitia
cœlestis ex hoc terreno carcere transferret: ipsa nos
pietas Christiana jubet & ferre moderatius Viri Am-
plis-

plurimum obitum, & totis pectoribus ad eundem aspirare
portum, in quo similiter anima nostra, ex hoc tempe-
stoso eluctat a pelago, sempiternam in CHRISTO qui-
etem ac beatitudinem consequantur. Vota interim si-
mul conjungamus & fundamus ad DEUM ardentia,
ut is, inter pericula ingruentia, Tempa, Politias &
Scholas clementer protegat; regat & conservet eos,
qui adhuc superstites illis debita cum fide & diligentia
praesunt; & pro Viris praestantibus pie defunctus exci-
tet alios, qui non minori cum laude fructuq; gloria san-
ctissimi Nominis ipsius, & communi hominum societati,
in futurum etiam tempus quam diutissime inservi-
ant. Ut autem Viri hujus meritissimi familia relicta
incestissima nostro quoque loco significationem aliquam
praebeamus Christiana civitate deas, atque hoc modo luctum,
in quo jam versatur, & dolorem ingentem officio nostro
qualicunq; allevemus; paucula quaedam hoc tempore,
quo funeris exequia pro more, programme publico
significantur, proponenda sunt, ex quibus tum orna-
menta generis splendidissimi, tum vitae ipsius Defuncti,
Viri Spectatissimi, curricula honestum & praeclarum,
aliquo saltem modo Juventis Studiosa perspicere possit.

Natus est o uanaginis in urbe Regia DANTISCO,
Anno CHRISTI, supra millesimum, quingentesimum,
octogesimo nono, die 6. M. Novembr. parentibus pieta-
te, fide, gravitate, generisque splendore maxime conspi-
cuis. Pater ejus fuit Vir honoratissimus & integer-

(†) 2

rimus,

rimus, Dn. GEORGIUS NEOMARCUS, Civis &
Mercator ibidem primarius, nec non Templi Petri
Provisor & Curator optimè meritis. Matrem verò
habuit Matronam omni virtutum genere ornatissimã,
REGINAM, ex antiqua & celebri GERICHIO-
RUM familiã oriundam. Hi parentes laudatissimi, pie
enem, filium suum maturè sacro Baptismatis fonte ab-
lusi, ac mystico CHRISTI corpori inseri curarunt: cu-
jus quidem fœderis cum CHRISTO iusti, per omnem
vitam, in adversitatibus quibusvis ad extremum usq;
habilitum, magna cum spe & fiduciã memor ille fuit.
Postea piè liberaliterq; domi & in schola patria ad annis
usq; etatis octavum educatus est. Cùm verò in ipso na-
tura quedam indoles non vulgaris animadvertere-
tur, missus est STETINUM in Scholam Senatoriam,
ibiq; in studio pietatis & literarum Artiumq; bonarum
instituentibus traditus Preceptoribus doctis atq; solerti-
bus. Quinquenniò hic transactò, cùm prima lingua-
rum & Artium rudimenta non infeliciter imbibisset;
voluntate Dn. Parentis sui ablegatus est in Poloniam:
ubi in Collegio POLTOFFKIENSI non ignobili
per biennium studijs humanioribus operam dedit. Hinc
DANTISCUM revocatus, in celeberrimo, quod
ibi est, Gymnasio, sub Philosopho Excellentissimo, Dn.
BARTHOLOMÆO KECKERMANNO, in
opt. Artes & Philosophiam per triennium summo stu-
dio & fervore incubuit. Postquam ergo eo etiam in
loco

loco tantum profecisset, ut ingenuas Artes ac Disciplina
was calleret sufficienter; adeoq; necessaria fundamen-
ta jam teneret, quibus aedificium alicuius sublimioris
Disciplina superstrui commodè posse videbatur; contu-
lit se de consilio Dn. Parentis, nec non Dnn. Professorū
& Præceptorum suorum, tam publicorum quàm pri-
uatorum, in Inchtam Academiam WITBER-
GENSEM: ubi primordiis Disciplina Juridicæ, DEO
Duce & auspice, capiendis annum unum impendit. Sed
ut diversis in locis studiorum cursum, quem sibi propo-
suerat, Clarissimorum Virorum operâ feliciter confice-
ret atq; absolueret, & simul alias lustraret urbes atq;
Academias; Witbergâ deinde in Almam GIESSE-
NAM commigravit Academiam, ibiq; Studium Juri-
dicum, laudabiliter cœptum, triennium integrum con-
tinuavit. Rursum inde in florentissimam HEIDEL-
BERGENSIUM Academiam perrexit, & ibi quoq;
ultra annum in lectionibus & disputationibus Juri-
dicis frequens admodum & assiduus fuit. Hac commo-
ditate locorum & temporum usus, SPIRAM etiam,
laudatissimâ Camerâ Imperiali apprimè nobilem & cla-
ram, nonnunquam adiit, ut processus variarum Cau-
sarum, quæ ex toto Imperio illuc devolvuntur, videret
atq; cognosceret. Peregrinationis insuper amore per-
agravit ALSATIAM, tractus CIS- & TRANS-
RHENANOS, FRANCIAM, SVÆVIAM, HAS-
SIAM, SAXONIAM, INFERIORIS GERMA-

NIÆ provincias etc. Et memorabilia quaecumq; sibi
oblata singulari prudentiâ observavit atq; notavit.
Postquam ita sexennium ferme in studio Legali Et Po-
litico contrivisset, Et totam Germaniam perlustrasset,
interea verò Pater ipsius diem suum obÿisset, eiq; hac
de causa Anno 1613. in Patriam revertendum fuisset,
vix altero post reditum mense elapso, Legationem in
causa satis ardua obÿt, missus à Magnifico Et Nobiliss.
Senatu Dantiscano in SVECIAM ad Regiam Maje-
statem, beatissime Et gloriosiss. recordationis: ubi per
annam integram commoratus, negotium sibi commis-
sum, non sine fruge, magnâ expedit dexteritate. Et
licet in Patria functiones honorificæ oblata ei essent;
DEO tamen volente ac disponente factum est, ut no-
ster. ò èν αὐτοῖς ex voto Dn. Parentis piè premortui in
hac urbe sedem rerum ac fortunarum suarum consti-
tueret. Singulari enim providentiâ Divinâ, suasuq; Et
consilio Propinquorum, Anno 1614. die 2. Septembr.
presentibus pluribus Principum Legatis, in matrimo-
nium accepit Nobiliss. Et lectiss. Virginem EUPHRO-
SYNAM, Reverendi quondam, Nobiliss. Et Consultiss.
Viri, Dn. ANTONII PETERSTORFII, Canonici
Camminensis, Ecclesie Cathedralis Mariana Stetini
Capitularis, nec non Ill. Archidiaconus per annos 48.
Protonotarij, filiam dilectissimam, nunc Viduam mœ-
stissimam: cum qua in conjugio tranquillo ac suavi
vixit annos 26. menses 10. Et ex ea quatuor suscepit li-
beros,

beros, è quibus per DE I gratiam duo adhuc supersunt
filij, & filia unica. Anno 1619. noster uaxagius ab Illu-
striss. quondam, Reverendiss. & Celsiss. Principe ac Dn.
Dn. FRANCISCO, Duce Pomeranorum & c. Episco-
po Camminensi & c. Dn. nostro clementiss. laudatissima
recordationis, ad munus REFERENDARII vo-
catus, nec non venerando Seni, dicto Dn. PETERS-
TORFIO, sublevandorum laborum causa, tanquam
VICE PROTONOTARIUS adjunctus est: cui
etiam Anno 1628. post pium illius obitum in PRO-
TONOTARIATU successit. Eodem anno 1628.
Vir pie defunctus, Ecclesia Cathedralis Mariana &
Ill. Pedagogy nostri Capitularis ac Provisor constitu-
tus est. Atq; bis officiis omnibus tanta fide, cura & in-
dustria presuit, ut nemo quicquam jure queri de ipso
potuerit. In reliqua ipsius vita candidus & apertus
eluxit animus, nihilq; in eo fictum aut simulatum fuit:
omnibus ex animo bene cupijt, nocentem expertus est
nemo. Exercitia pietatis, & domi sua, & in conventi-
bus Ecclesiasticis, quotidie summa cum religione co-
luit. Adversa omnia magno animo contempsit, & no-
bili vincendi genere, patientiâ, vincere fortiter potu-
it: soli DEO confisus, & bonâ fretus conscientia, re-
tè agendo neminem metuit. Egenorum inopiam pro-
modo facultatum benignè sublevavit; & ut verbo
dicam, per omnia vitam suam ad veri Christianismi
leges unicè conformavit.

Quod

Quod ad morbum attinet, qui piè de mortuo vita
finem attulit, acer ille & periculosus fuit, quò alios
etiam hoc tempore inopinatò sublato & extinctos no-
vimus. Gravissima enim ventriculi affectu, quem ca-
lor & ardor nimius comitabatur, laboravit. Et licet
idoneorum medicamentorum usu adeò mitigatum fue-
rit hoc malum, ut optima recuperanda valetudinis
spes affulserit, omnisq[ue] res in vado [quod ajunt] visa
fuerit esse: tandem tamen præter omnium opinionem
prorsus recrudescere cœpit morbus, ita ut signa se-
thifera manifestè exhiberent. Quod cum ipse etiam
egrotans facile persentisceret, divine voluntati se
totum commisit, ususq[ue] sacrosancto viatico Cœna Do-
minica (quod etiam ante hebdomadas 5. fecerat) die
2. hujus mensis, ipso festo Visitationis Mariæ, post ho-
ram quintam pomerid. vitam in CHRISTO, inter-
pias preces atq[ue] suspiria, placidissimè finiit; cum in ter-
ris hinc annos 51. & menses octo vixisset.

Corpus illius exanime hodierno die hora 2. ritibus
Christianis & solennibus ad sepulturam efferetur: quo
tempore ut omnes & singuli studiosi Juvenes frequen-
tes in Auditorio majori conveniant, & Praeceptores in-
funus prodituros sequantur, officij ratione hortamur.
Est hoc studium & officium non tantum dignum ordi-
ne nostro, sed Defuncti etiam virtuti, fidei ac meritis in
Pædagogium nostrum amplissimis omnino debetur.
Publ. propos. anno & die, ut supra.



92116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

